

廣德州志卷八

營建志 學校二

學校二

明倫堂萬歷志舊在 文廟後明成化十年知州周瑛始遷於廟東闢學園市民田而增之題明倫堂匾宏治七年署州事寧國同知葉元復重建為堂三楹堂東壁嵌以臥碑東為興詩齋成樂齋祭器庫西為立禮齋會饌堂書籍庫案今堂五楹東西齋前為道義門門東為題名記房圯為訓導宅西為遷學記房圯今建陸侯修學

廣德州志

卷八

學校

一

碑亭案今題名記碑陸侯修學碑及亭均無又前為儒

學門門與廟皆南向嘉靖四十一年巡按劉以楫徙向

東南隅萬歷十五年以後知州陸長庚段猷顯仍徙向

南案據此則陸長庚乃復徙向南與段猷顯同為改正

用形家迎巽秀之門之西為段侯修學碑亭案碑及亭

今俱無

國朝順治九年奉文刊立臥碑於明倫堂之左曉示諸生

楊志儒學大門十二年冬學正黃如馨訓導凌質改復

舊向案萬歷志載萬歷年間已改復舊向其儀門久圯

康熙四年知州楊苞學正荆振日重建繚以垣墻視舊
加壯麗焉仍題匾額為道義門案康熙二十四年知州
朱國柱重建明倫堂有記附後李志雍正六年知州丁勺
曾學正胡伯炯重建明倫堂工未竟八年署州事徐敦
蕃繼成之案乾隆四十六年知州石應璋學正朱裕觀
重修明倫堂五十五年知州胡文銓捐俸重修道義門

國朝朱國柱重建明倫堂記五倫夫人有之而未必能盡
先王憂之於是董率開導之日君臣有義父子有親夫
婦有別長幼有序朋友有信所以明之者如此而猶恐
天下之未盡明也凡郡國所在設為庠序學校而擇其
秀良之尤異者為之師儒以教之由是崇建學宮即大
成殿之隅翼然樹堂曰明倫令師儒之官朝夕處此以

廣德州志

卷八

學校

二

教訓其子弟其中設鼓鐘勒碑版期於大明先王之道
凡監司以上按部其地必先謁廟視學胥於此講論經
傳觀省風俗而守令則朔望至止延見師生考士習而
訪民莫焉凡學之有斯堂與堂之繫於學者如是其重
且大也廣德故山州僻壤然有其學則必有其堂而創
建已久傾圮載告今

天子御極之二十三年為上元甲子薄海來臣普天胥順
廟堂之上修明禮樂創制顯庸頒行郡邑咸使敦聖學而

簡命來守是邦下車之日首先視學登斯堂也觀棟梁之

將頽悼垣墉之盡毀岌岌乎有不能朝夕之勢即與博

士及諸弟子謀所以修葺之道而縫掖中有鬚眉甚古

視履秩然者揖而進曰堂之建在成化十年距今幾三

百年矣中間亦屢修葺而僅事外貌塗飾木之不堅而
腐者不能易陶冶之積久而潰者不能更至於今不可
復支非更新不可莫若易之便予曰易之固善而所費
浩繁民力恐不任奈何則又曰明公熟圖之此邦之父
兄弟猶可使也凡諸艱苦之役請以身任於是國柱

卽捐俸爲之倡兩博士轉相告語勸率其子弟子弟之屬又轉相告語以逮於鄉曲舉所謂明倫之說未必家喻而戶曉者與之縷析而條分焉忠信孝友之心莫不油然以生力於是焉集財於是焉辦木材擇堅瓦甃務厚工師選良典守必慎錢穀之屬司出入者無爽胥靡之役均勞逸者有法民情子來若趨父母而堂乃告成事焉今夫土木之功至難舉也率作之勞至難合也先是凡有公役守令必具文請於臺司臺司必詳慎而後報可迨於鳩工而延緩之歲月已不可勝計矣茲役也倡始於一旦不廢帑藏之一文不勞簿書之期會民力無匱而功已完辦向之欹斜而剝落者今且巍乎一新堂構依然輪奐載美舉世所謂至難者而奏功若至易非尋常智慮之所及者則何也嗚呼此非一邦之盛事也哉而邦人不敢居曰維大夫之功守吏益瞿然不敢安曰此賢士大夫與父老子弟之功於是交相讓而適相成也猗歟何其幸乎計始事於乙丑歲之三月落成於本年之八月爲費子金凡九百餘兩同事經營者廣文王君信沈君會成其博士弟子之出力俛助者甚多

廣德州志

卷八

學校

三

而趙生先簡爲第一例皆得書不佞國柱因得伐石以紀歲月康熙二十四年乙丑之秋八月奉直大夫知廣德州事三韓朱國柱撰判官劉日吉吏目馬生圖儒學署學正事舉人王信訓導沈會成同立石現存

附明倫堂鐵鐘明景泰三年知州鄭賢等造有銘今存

大成殿中至現在明倫堂之鐵鐘其字跡已鑿損諦觀

之乃祠山廟鐘也

明倫堂鐘銘範鎔其金鏗鉤其音晨昏有節壯觀儒林景泰三年四月八日造知州鄭賢同知辰泰判官郭翔

吏目章文瓊學正孫達訓導焦榮鄭傳

尊經閣楊志

文廟後西北舊爲元妙觀明嘉靖四年判

官鄒守益徙觀於東郊卽其址爲尊經閣

案湛若水撰記見藝文

凡三間六楹下為明善堂

萬曆志明善堂即尊經閣下舊有匾額今不存東西

翼以號房十一楹

案今無號房

會之以門為復初書院

案今門無

題以訓多士嘉靖二十年判官王杏主水西會嘗聚講

其中

案水西會係寧國講學會名王畿龍溪集中稱嘉靖己酉赴水西之會決旬相告歸復量諸友地里

遠近月訂小會圖有終也據此知水西會中人散處他

邑者各就近處月為小會時王杏以御史謫任嘗奉督

學馮天馭檄覈復初書院田其所謂主水西會想為水

西月會之主也又王畿桐川會約稱鄒東廓判廣德建

復初書院為講學之所畿嘗三過桐川與諸友相會至

萬曆初畿赴水西會過桐吳同春為州守挽留之檄遠

近諸友凡百餘人大會於復初書院是閣中聚講之盛

自嘉靖至萬曆數十年中其會殆難更僕數矣楊志所

載特記寧國之會亦嘗舉於是閣耳萬曆十年禁立書院以閣與書院混

廣德州志

卷八

學校

議即毀十一年知州方沆重修未竣以遷秩行十二年

知州陸長庚修葺之二十年知州段猷顯重葺四十年

知州李得中重建今圯

案楊志分尊經閣復初書院為二于復初書院詳敘鄒東廓建

閣至李得中重建于尊經閣則曰文廟後規制壯麗

甲于一郡知州張嗣誠倡建今圯似前明閣與書院竟

有兩屋細按之名雖二而實則一不應分敘且稱張嗣

誠倡建考張嗣誠接李得中任李甫重建張何倡建之

有既言閣創于鄒而又以為李志康熙五十八年知州

張倡矛盾甚矣故削而不書周在建學正吳寧謐重建案今閣在文廟正北較嘉

靖間文廟西北舊址則又稍東矣閣凡五間甚宏厥

閣前繚以圍墻中為門即康熙年間所建者其西北基

地舊被陳姓佔去三分餘乾隆五十七年學正王其福
訓導吳景濂詳請知州胡文銓勘丈因係隙地姑免折
讓仍令每年出租立案

魚鱗冊

在城都壹畝天字壹百柒拾玖號尊經閣基東

至官溝南至 聖殿西至官塘北至口口長柒拾弓貳
尺橫貳拾捌弓積壹千玖百柒拾壹弓貳尺計地捌畝
貳分壹厘叁毫叁絲叁忽 天字貳百拾伍號官地東
至尊經閣南至灌巷西至許地北至官塘長貳拾叁弓
橫拾弓積貳百叁拾弓計地玖分伍厘捌毫叁絲叁忽

廣德州志

卷八

學校

五

天字貳百拾陸號官塘東至尊經閣南至官地西至施
墻北至董墻長拾玖弓橫拾捌弓積叁百肆拾貳弓計
塘壹畝肆分貳厘伍毫

書目

奉頒書籍
按年列後

上諭三十五本

聖諭廣訓一本

孝經衍義三十本

四書解義九本

易經解義十八本

朱子全書二十本以上康熙年間頒

駁呂留良四書講義二本雍正十一年頒

欽定書經傳說彙纂二部三十二本

欽定春秋傳說彙纂二部四十八本

欽定詩經傳說彙纂二部四十本

御纂周易折中二部十七本

御纂性理精義二部十本

御纂朱子全書二部六十四本

日講四書解義二部二十四本

廣德州志 卷八 學校 六

日知薈說二部八本

二十一史全部五百本以上乾隆五年頒

十三經註疏全部一百二十本

欽定學政全書八本以上乾隆六年頒

明史一百十二本乾隆七年頒

上諭四十八本乾隆八年頒

欽定四書文二十二本乾隆九年頒

聖廟樂章一本乾隆十年頒

御批通鑑綱目二部一百六十本乾隆十年頒

御撰資治通鑑綱目三編四本

乾隆十年頒

御纂三禮義疏一百二十八本

乾隆二十三年頒

磨勘簡明條例八本

御製樂善堂集十八本

以上乾隆二十五年頒

欽定學政全書二部二十八本

乾隆二十七年頒

御選唐宋詩醇二部四十本

乾隆二十九年頒

御纂詩義折中二部十六本

御纂周易述義二部八本

御纂春秋直解二部十六本

以上乾隆三十一年頒

廣德州志

卷八

學校

七

御製文初集二部三十二本

御製詩初集二部四十八本

御製詩二集二部九十二本

以上乾隆三十二年頒

御製平定哱噶喇碑文

御製平定回部碑文

以上乾隆三十二年頒

欽定滿漢對音字式一本

乾隆三十八年頒

南巡盛典四十二本

乾隆三十九年頒

御製文廟碑文

續增科場條例一本

磨勘簡明則例一本 以上乾隆十四年頒

御製平定金川碑文 乾隆四十五年頒

禹貢指南二本

絜齋毛詩經筵講義一本

漢官舊儀一本

帝範一本

農桑輯要三本

海島算經一本

夏侯陽算經一本

廣德州志

卷八

學校

八

直齋書錄解題十六本

傅子一本

養牖閒評二本

拙軒集二本 以上乾隆四十六年頒

欽定學政全書十二本 乾隆四十七年頒

處分則例一部 乾隆四十八年頒

御批續通鑑綱目十六本 乾隆五十五年頒

萬壽衢歌樂章三本 乾隆五十六年頒

科場條例十六本 乾隆五十七年頒

〔案〕萬厯志開載書籍有四書集注或問性理大全五倫書孝順事實文獻通考爲善陰騭易大全易大義書傳詩傳春秋傳胡傳禮記傳學史居業錄大禮纂要大禮集議祖訓綱目前漢書後漢書漢文選唐書唐文粹文章正宗大學衍義補大明會典皇明政要三蘇文集杜氏通典欽定教條等書皆不載冊數且並未分儒學存貯與書院存貯也楊門志列儒學書籍有性理大全三十本五倫書六十二本孝順事實二本文獻通考五十九本爲善陰騭書口本周易十

二本書傳十本詩傳十二本春秋十六本禮記十八本大學二本中庸二本大禮纂要二本大禮集議四本又復初書院書籍有性理二十本綱目四十本前漢書二十六本後漢書二十四本唐書五十本五代史八本孔庭纂要二本傳道粹言二本程氏遺書六本龜山集三本延平問答二本朱子語錄四本近思錄二本小學二本象山文集五本文章正宗十本薛子粹言二本胡子粹言二本白沙詩教三本一峯文集二本甘泉樵語一本二業合一論一本甘泉二論

二本傳習錄二本大學古本一本說文字原一本六書本義二本六書正譌二本射禮儀節一本論俗禮要一本訓蒙詩要一本復初書院志一本名臣言行錄二本其數較多于萬厯志而俱云今無則總歸烏有矣李志照楊門志開載而刪去今無二字是但借久經煨燼之書以鋪張學校書院縹緗之富既失之誣而康熙雍正年間

欽頒書籍若干部反未登載更屬疏謬今詳載列年奉頒書籍俾知閣中所藏皮以供肄業者皆出

廣德州志

卷八

學校

十

聖朝恩賚云

敬一亭萬厯志明倫堂後舊有退省軒嘉靖十一年知州胡萬里改建是亭貯世宗皇帝敬一箴碑及程子四箴范氏四箴注碑萬厯四十年知州李得中重修楊志今圯案碑亦無存

觀德亭萬厯志在萬桂山前稍東訓導署後舊爲射圃建是亭今圯

射器

弓一十六

矢六十四

布侯一

乏一

旌一

朴一

榻一

鹿中一

豐一

篚一

觶三

樽二

卓一

洗盆一

籌八十

斯禁一

磬一

鐘一

鼓一

琴一

廣德州志

卷八

學校

十一

瑟一

笙二

簫二

壎二

案萬厯志列射器二十四具見當日觀德名亭非虛語也楊志列其目而云今無則兵瑟以後與圖籍並歸烏有矣今雖亭器俱無而存此以徐圖修復云

學正署萬厯志在

文廟西廡後

案即今復初書院基也

明知州彭

棟重建

案在嘉靖年間

萬厯二十三年知州段猷顯修楊志歲

久而圯

國朝康熙四年知州楊苞捐俸一百兩學正荆振日捐俸

六十兩及諸生助貲重建於 文廟東前有講堂三間

楊苞題額曰考亭重構後茶軒三間內署五間膳厨七

間案今耳房五間前大門房五間案今額曰談經清署

楊苞有建署碑記案今額俱廢碑現存案乾隆二十六年學正許

南宮重建茶軒改為五間五十六年內署圯耳房亦久

廢知州胡文銓學正王其福各捐俸併諸生助貲重建

內署仍增耳房五間

楊苞新建學署碑記廣德稱江左大州兵燹以來學署

頽傾明倫堂儀門亦圯予拜瞻宮側憮然曰是予貴也

廣德州志

卷八

學校

十一

齋廬庖湏既完既佚計助工役三之一又拮据冰俸二

水而進瞻鬻序做墀修垣馮馮其凝間也縹壖朱櫺登

坐諸生橫經相與敦古誼勤弦誦蹈繩履規永聖人之

澤存先王之風將見俗之美則刑罰措材之成則譽髦

升語曰學者殖也不殖將落學猶覺也罔覺則迷宮署

之與廢關風運之盛衰觀今日之振新在十餘年圯弗

之後予與荆君倡之郡士響應士固多思皇之美而荆

君于經師人師之道蓋兩得之矣於是麗之署庭以為

訓導署萬厯志

在道義門東明知州范昌齡建

案在宏治年

案萬厯志訓導署有三首載道義門東一署即今訓

導現居之署也又載一在明倫堂西齋後知州張仲

建一在尊經閣東判官鄒守益建考明訓導三員故
建三署

國朝定制訓導一員署宜廢二而存一乃楊門李志均稱
舊訓導署三今俱圯似三署無一存者又稱茅茹書
院在明倫堂東康熙五年士民公建在楊志成于康
熙六年時訓導適奉裁其稱舊訓導署固宜至茅茹
書院在明倫堂東明係卽道義門東訓導署改爲之
者乃故爲模糊以博創建之名陋矣門李修志之時
訓導已復設書院諒已復爲署而秉筆者猶抄襲楊

志原文不增改一字疏謬尤甚今查署中後樓三間
耳房二間棟梁已舊當係昔嘗名爲茅茹書院之後
屋也其講堂三楹則乾隆二十八年訓導徐谷鑑重
建樑上題識現存堂右茶軒三間中有乾隆十四年
知州曾尙增爲訓導史化鳳題君子居匾額或係史
嘗修葺乾隆五十八年訓導吳景濂重修增造門房

萬桂山萬厯志在明倫堂後明成化十年知州周瑛所築

案訓導賈暹
撰記今附後

以補地形之陋手植萬桂期於多賢山之

命名以此山巔爲凌雲峯有天游亭中題萬桂山石刻

系以銘焉凌雲之東為龍首嶺龍首左嶺名朝陽凌雲
右嶺名橫秋前麓中有澄心右有顧影左有浴鳳三池
後麓有蘭陂松徑雪竇潛蛟窟之泉清而冽冬夏不涸
雪竇上瑛題源頭活水石刻及判官涂相詩刻在焉雪
竇前有古意亭二亭俱圯萬曆十四年知州陸長庚重
建今圯李志康熙二十二年知州朱國柱重建案今亭
俱無存桂亦銷亡矣惟周瑛題石及朱國柱詩碑現存
朱詩剝落可讀者僅三首耳附後

天游亭 見前

廣德州志

卷八

學校

古

古意亭 見前

明賈暹萬桂山記郡侯周先生既遷學復治園學後地
日委土而隨倚之將以補後之虛迎前之實庶與堪輿
家言合土委積日加崇鉅聯絡如阜然先生曰是不可
無名因號為萬桂山山之峯最高者雲凌雲之東有
峯昂然若回顧狀曰龍首嶺自西如梯倚者曰橫秋東
如虹掛者曰朝陽山之下一因其窪而池之曰澄心曰顧
影又其東而小者曰浴鳳山上下亭館瑛列其南枕龍
首者觀德亭也西負橫秋嶺者鄉賢祠也上薄凌雲可
瞻眺及於無際者天游亭也於是州學形勝備矣既畢
功元生又觀京師秋九月連雨出址逼後垣水暴下怒
不可泄山斯頽墻垣盡壓明年春先生歸自京師顧而
言曰是誠非遠計乃請於巡撫公得官錢市龔氏地以
擴學園培山址乃大之山始無恙山之云有泉出焉先
生輦石覆之其深如洞出所爰石二昇置洞中其色蒼
其空如肺曰雲濤雲濤雨則蒸騰則止其色白其雲委
積如漾沙曰雪浪雪浪舊出大洞石滴乳成者泉渟涵

洞中得石味益清先生題曰雪竇并識泉所自得歲
復書源頭活水鑿之石雪竇之上重峯巖巖如疊壁引
其麓環於前廊其中以爲臺臺之北有洲彎彎如野兒
角上植梅花外爲崇墉墉之下爲渠渠通外河其口爲
石榴水散入汨汨可觀雪竇溢醜其委與渠合渠繞山
其日夜流不息渠盡處爲斗門以時隄闕水觸石淙淙
有聲可聽先生以高才屈小州能不鄙夷其民而教養
之使數十萬戶熙然無愁歎之聲乃以餘力成茲勝事
每公暇詣學考課已乃登山徘徊瞻眺下酌泉而飲之
如圭如璧外人信其爲大雅君子哉遷學事先生既文
之以石矣謂此細事宜不足書不書何以識本末遲因
備述以示後之君子知所愛護焉至若先生所以卽事
命名皆有期勉諸生之意在諸生遊於斯息於斯其亦
有會於心哉不然玩以喪志荒以廢學則非先生所以
興學育才之本心矣楊志

廣德州志

卷八

學校

五

周瑛萬桂山山房白日靜左右列圖書哲人久不作掩
卷空歎歎與天爲徒天游亭人世少知遇百年懷抱孤山亭坐
虛廠邈與天爲徒夜月憶古意亭幽興不可遏良夜

乘鶴往山深寂無人亭前自俯仰簷月流素輝山泉滴
清響孤蘭蔽蕭艾叢桂在草莽采芳欲寄遠路阻情悵
惘緩步歸東園坐見明星上賈暹古意亭久懷名教
樂果遂獨往心良遊自古然而我幸茲今茅亭在何許
宛在山之陰盤迴水石秀窈窕松竹林欄檻靡雕飾地
勢殊幽深俯瞰雪竇泉仰瞻桂山岑歷歷薜蘿想杳杳
猿狖吟軒冕曠若遺物累寧復侵自非高世士孰能此
幽尋瑯琊無深秀武夷有徽音悠然發長慨坐以絃吾
琴辛禮與文寮酌古意亭碣石終朝枕碧流茅亭佳
致坐中幽檻前修竹寒節玉嶺上喬松翠鬱秋滿座春
回文字飲一簾風細篆烟浮紛紛柳絮東隣去惟有梅
香拂桂樓黃松林萬桂山天游亭一徑入高峯桂花
香幾叢憑軒曠延佇秋色滿吳中樓閣千層出岡巒四
望通束茅銘尙在仰止思何窮

國

朝宋國柱萬桂山詩乙丑秋月重建明倫堂告成不佞
已有文記之矣堂之後舊有萬桂山山之巔樹閣口口
曰天游口口樹環繞四口爲一城之口口成化間州守
周先生所創建也日入傾圯但口口口荒煙而口今

□□更新□□吟□增□此山爲□□立□□□□□
□締造傑閣復還昔日舊觀不可謂非一時之□□也
因□十律以誌其盛其三云土木原非旦夕功煥然頓
已豁蒙叢山阿媚色玲瓏外殿閣奇香縹渺中憑檻一
觴浮夜月隔垣萬片肅秋風他年折桂從高手咫尺蟾
宮是泮宮其四云緬想名賢德意濃堅雷片石篆芳蹤
穿來自昔池爲鳳築就依然嶺是龍遠爲筆山培秀脉
新開硯水襯奇峯古人點綴非無故文教猶堪百世宗
其十云英才濟濟自宮墻發育誰教奕葉光堂構雖傳
今日美栽培那及古人忙芳華月裏思新桂風格年來
重晚香從此垂休千百
載長鳴家國植琳瑯

存忠亭萬歷志在復初書院鄒先生祠後東隅舊爲王靜
學懷忠祠今廢萬歷二十五年知州段猷顯移王靜學
合范文正真西山周翠渠爲四先生祠卽懷忠祠舊址

廣德州志 卷八 學校 六

新創此亭後有銀杏樹正修撰死節之樹因名亭曰存
忠仍立詩匾弟之案今亭樹俱無存互詳名蹟

靜觀亭萬歷志舊在復初書院口楊志作大非橋後判官鄒守

益建楊志今圯

毓秀河萬歷志在儒學前永樂九年知州楊瀚案職官志作翰廓

地鑿河宏治二年知州辛禮易民田而增廓之萬歷十
五年知州陸長庚又增鑿河之南名以毓秀東盡學田
五畝五分西易李棟田四畝二分視舊河加三之二焉
水自西而東折經梯雲橋繞於儒學北又濬龍門水入

會龍池歷文明溪會于北水關後水關以久雨之故外
水沮洳反滄田禾因塞焉學前河干舊有曲檻已廢知
州段猷顯于河上栽桃李河中種蓮規制益偉

附魚鱗

在城都壹畝天字壹百陸拾貳號學塘東至青

雲樓南至學田馬田西至塘埂北至□□長柒拾伍弓
橫叁拾伍弓積貳千陸百貳拾伍弓計塘拾畝玖分叁
厘柒毫伍絲 天字壹百陸拾玖號小學塘東至馬田
南至官塘西至石橋塘北至馬田長肆拾壹弓橫東捌
弓西肆弓貳尺積貳百伍拾肆弓貳尺計塘壹畝伍厘

廣德州志

卷八

學校

七

玖毫壹絲陸忽 天字壹百柒拾叁號學塘東至馬田
南至平步橋西至學基北至橋溝長柒拾弓橫拾捌弓
積壹千貳百陸拾弓計塘伍畝貳分伍厘